

玉樞寶經

呂祖全書

卷
二十四
二十五

呂祖全書玉樞寶經讚小序

玉樞寶經者雷祖之所說也。何名爲玉樞寶經。按俞玉吾氏云。王者天地日月之精華。陰陽水火之結秀。潤而溫。寶而貴。歷萬載而不朽滅。樞者機軸生殺之始。由也。寶者珍重。經者徑也。修真入道之要路也。張真君釋義曰。斯經以玉樞名者。乃天地之消息。陰陽之動靜。九數乃乾元用九之說。而普化天尊居其上。爲三界之尊。十方之靈明矣。是經得呂祖讚而深切著明。無庸多贅。余獨有感於經之言曰。道者以誠而入。以默而守。以柔而

用夫雷剛之至。雷聲動之至也。今其言若相反者。此可
以悟道矣。剛柔合德。而老氏之教。用柔動靜互根。而周
子之說。主靜此物此志也夫。

呂祖全書卷二十四

目錄 前有小序

玉樞寶經讚

玉樞或問 附

正編卷二十四

王琳賈野處

目錄

目錄

呂祖全書卷二十四

義陵無我子劉體恕彙輯

男劉蔭誠清惠

全校

姪劉允誠清虛

沙羨一行子黃誠恕叅訂

玉樞寶經讚

玉樞寶經

祖氣氤氳滿太虛。九天元是九天居。驅雷役雨飛金
篆。活物生人備玉樞。三界有情同得道。十方無路不
通車。大哉普化明元始。日月齊光信不誣。

爾時九天

九天九天位之又位忽爾我後倏焉我前

應元

二炁雖分陰與陽玉清高處化真王
上天下地能相合闡教令形徧十方

雷

二炁之正五行之令斬鬼誅邪天人響應

聲

廣宣帝德起羣生三界英靈側耳聽莫道老天無一

語須知司令有雷鳴。

普化天尊。已下寶經逐段全錄以備參考。

好生之德不能量。闡教諸天及十方。高處玉清治雷府。萬神朝服禮真王。

在玉清天中與十方諸天帝君會於玉虛九光之殿。鬱蕭彌羅之館。紫極曲密之房。閱太幽碧瑤之笈。考洞微明晨之書。交頭接耳細議重位。諸多陪臣左右。蹶蹶天尊宴坐。朗誦洞章。諸天帝君長吟步虛。綵女仙姝散花旋繞。復相引領。遊戲翠宮。羣仙導前。先節後鉞。龍旂鸞。

輅飄飄太空竝集於玉梵七寶層臺

故把位位一竅開十方三界應時來瓊書細閱存元

氣瑤笈重宣養本胎侍女交頭心自會陪臣踧踖意

能裁須臾演教天花舞鸞輅飄飄七寶臺

時有雷師皓翁於仙眾中越班而出面天尊前音頽音顙

音信作禮勃變長跪上白天尊言天尊大慈天尊大聖為

羣生父為萬靈師今者諸天咸此良覲適見天尊闔寶

笈考瓊書於中祕蹟不可縷計惟有玉霄一府所統三

十六天內院中司東西華臺位館妙閣四府六院及諸

有司各分曹局所以總司五雷天臨三界者也天尊至
皇心親庶政此等小北以何因緣得以趨音池服願告欲
聞

勃然長跪上啓真宗諸司院府臺閣尊崇三十六所
雲雷雨風何神不備何聖不從職專生殺事在吉凶
欲聞至說必啓丹衷仁哉仁哉雷師皓翁

天尊言雷師皓翁爾等仙卿儲勳夙世累行昨生故得
王府登庸瓊宮簡錄今茲勳行視夙昨多爾其悉力雷
司委心火部日復日歲復歲勳崇行著性霽神融克證

高真。卽階妙道。惟是雷部鬼神。晝勞夕役。動有捶楚。大則考戮。屑雲雕雪。無有已時。檄龍命鴉。此息彼作。彼所因故。爾其耳焉。雷師皓翁。及諸天諸仙。聳耳而默。天尊所坐。九鳳丹霞之袞。衣上聲手舉金光明之如意。琅風清微。綺雲郁麗。天尊寂然良久。

善惡兩途。特如影響。善爲天真。惡爲魍魎。

天尊言。吾昔於千五百劫。以先心縫此道。遂位上真。意

釀娘去聲此功。遂權大化。嘗於大羅元始天尊前。以清淨

心發廣大願。願於未來世。一切衆生。天龍鬼神。一稱吾

各悉使超渙如所否者。吾當以身身之。爾等洗心爲爾
宣說。

道乃天地心。愚痴不解尋。破衣要縫補。須用水磨針。

天尊言。爾諸天人。欲聞至道。至道深窈。不在其他。爾既
欲聞。無聞者是。無聞無見。卽是真道。聞見亦泯。惟爾而
已。爾尙非。有何况於道。不聞而聞。何道可談。

道道道。道說著可笑。天地我人。一家一竅。

天尊言。道者以誠而入。以默而守。以柔而用。用誠似愚。
用默似訥。用柔似拙。夫如是。則可與忘形。可與忘我。可

與忘忘入道者知止守道者知謹用道者知微能知微
 則慧光生能知謹則聖智全能知止則泰定安泰定安
 則聖智全聖智全則慧光生慧光生則與道為一是名
 真忘惟其忘而不忘忘俱平聲有將下忘字作去聲者非忘無可忘無可
 忘者即是至道道在天地天地不知有情無情惟一無

守一守一當用謹默無我無人却有一賊若還捉住

湛然凝碧

天尊言吾今於世何以利生為諸天人演此妙寶得悟

之者。俾躋仙阼。學道之士。信有氣數。夫風土不同。則稟
受自異。故謂之氣。智愚不同。則清濁自異。故謂之數。數
繫乎命。氣擊乎天。氣數所囿。天命所梏。若得真道。不得
真道。愚可以智。濁可以清。惟命俾之。愚昏昏。濁冥冥。亦風
土稟受之移之。天地神其機。使人不知。則曰自然。使知
其不知。則亦曰自然。自然之妙。雖妙於知。而所以妙。則
自乎不知。然於道。則未始有以愚之濁之。諸天聞已。四
眾咸悅。

風土所宜。亦由氣血。水各有源。人皆有劫。輕清還位。

重濁不白。道本無二。此心似月。

天尊言。吾今所說。卽是玉樞寶經。若未來世。有諸衆生。

得聞吾名。但真心默想。作是念言。九天應元雷聲普化。

天尊。或一聲。或五七聲。或千百聲。吾卽化形十方。運心。

三界。使稱名者。咸得如意。十方三界諸天。諸地。日月星。

辰。山河草木。飛走蠢動。若有知。若無知。天龍鬼神。聞諸。

衆生。一稱吾名。如有不順者。識音首刳。音心化爲微塵。

天尊。天尊發願廣大。音代毀謗。位文雷司有害。

天尊言。吾是九天貞明大聖。每月初六。及旬中辛日。監。

觀萬天浮遊三界。若或有人欲學道。欲希仙。欲追躋九
位。欲釋三災。當命正一道士。或自同親友。於樓觀於家
庭。於里社。醮音醮水饋花課誦此經。或一過三五過。乃至
數十百過。卽得神清氣爽。心廣體胖。凡所希求。悉應其
感。

誠不用物。以氣相臻。一稱尊號。天地回春。

天尊言。身中九靈。何不召之一。曰天生。二曰無英。三曰

位珠。四曰正中。五曰子丹。六曰回古雷字。七曰丹元。八

曰太淵。九曰靈童。召之則吉。身中三精。何不呼之一。曰

台光二曰爽靈三曰幽精呼之則慶五心煩懣音悶六脈

搶音擄攘音能四肢失寧百節告急宜誦此經

九靈九靈是我之精時時呼召永保長生

天尊言若或有人五行奇音稽蹇九曜欽音欽欺音欺年逢刑

衝運值剋戰孤辰寡宿羊刃劍鋒劫煞亡神鬼門鉤絞

祿遭破敗馬落空亡動用凶危行藏坎壞卽誦此經上

請天官解天厄地官解地厄水官解水厄五帝解五方

厄四聖解四時厄南辰解本命厄北斗解一切厄

地網天羅不可逃凶星臨併若爲消誠心誦取天尊